



RAPORT
MBI AUDITIMIN E EKSTRAKTIT
TË I-RË DHE TË II-TË
TË PËRBËRËSVE ZGJEDHORË

KOMISIONI QENDROR I ZGJEDHJEVE
Rruga "Ibrahim Rrugova", Nr. 4
Tiranë, Shqipëri

ELENA XHINA
Audit Teknikien Raporti i Auditit teknikien

Komisionit Qendror të Zgjedhjeve

I nderuar z.Kryetar,

Të nderuar anëtarë të Komisionit Qendror të Zgjedhjeve,

Në zbatim të vendimit Nr. 208, datë 23.11.2022, të Komisionit Qendror të Zgjedhjeve “Për emërimin e auditëve teknicienë për mbikëqyrjen e procesit të hartimit të listave të zgjedhësve, për zgjedhjet për organet e qeverisjes vendore të datës 14 maj 2023”, si dhe duke ndjekur udhëzimin Nr.2, datë 28.12.2012 të Komisionit Qendror të Zgjedhjeve, “Për miratimin e rregullave të veçanta për kushtet e kontratës dhe kryerjen e auditimit nga auditët teknicienë për verifikimin e veprimeve në bazën e të dhënave RKGJC”, ju sjellim si më poshtë raportin e auditimit të kryer për periudhën 22.11.2022– 30.12.2022.

Në këtë raport jepen vlerësimet dhe rekomandimet për veprimet e kryera mbi bazën e të dhënave në Regjistrin Kombëtar të Gjendjes Civile duke analizuar ekstraktin e I-rë dhe të II-të të përbërësve zgjedhorë dhe listat e zgjedhësve të gjeneruara nga Regjistri Kombëtar i Gjendjes Civile (RKGJC) në zbatim të “Kodit Zgjedhor”, ligjit “Për Gjendjen Civile”, si dhe akteve nënligjore të mëposhtme:

o Udhëzimit të Ministrit të Brendshëm Nr.207, datë 28.10.2022 “Për procedurat e hartimit të listave të zgjedhësve për organet e qeverisjes vendore”;

o Udhëzimit të Ministrit të Punëve të Brendshme Nr.225, datë 11.05.2016 “Për procedurat e pezullimit nga lista e zgjedhësve për shtetasit që vuajnë dënimin e parashikuar nga ligji Nr.138/2015 “Për garantimin e personave që zgjidhen, emërohen dhe ushtrojnë funksione publike”;

o Udhëzimit të Ministrit të Brendshëm Nr.370, datë 07.12.2012 “Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile”.

Raporti i Auditit teknikien për ekstraktin e parë dhe të dytë

Përmbajtja

Hyrje.....	4
Baza ligjore e auditimit	4
Metodologjia e Auditimit	5
Opinione	6
Rekomandime.....	8
Statistika	9
Përfundime	13

Hyrje

Zgjedhjet për organet e qeverisjes vendore, sipas dekretit Nr.13864, datë 24.10.2022, të Presidentit të Republikës, do të zhvillohen më datë 14 maj 2023. Pas krijimit të përvojës nga zgjedhjet e datës 30 qeshor 2019 për organet e qeverisjes vendore, të bazuara mbi ndarjen e re Administrativo-Territoriale të njësisive të qeverisjes vendore, këto zgjedhje pritet të jenë më të konsoliduara dhe me problematikë më të ulët përsa i përket informacionit të gjeneruar nga Regjistri Kombëtar i Gjendjes Civile.

Baza ligjore e auditimit

- Ligji Nr.10 019, datë 29.12.2008 “Kodi Zgjedhor i Republikës së Shqipërisë”, i ndryshuar;
- Ligji Nr.10 129, datë 11.05.2009 “Për gjendjen civile”, i ndryshuar;
- Ligji Nr.10 325, datë 23.09.2010 “Për bazat e të dhënave shtetërore”;

Raporti i Auditit teknikien për ekstraktin e parë dhe të dytë

- Vendimi i KM Nr.365, datë 11.06.2004 “Për krijimin e mënyrën e mbajtjes së Regjistrit Kombëtar të Gjendjes Civile dhe për rregullat e shfrytëzimit të teknikës dhe rrjetit informatik”;
- Vendimi i KM Nr.673, datë 22.11.2017 “Për riorganizimin e Agjencisë Kombëtare të Shoqërisë së Informacionit”, i ndryshuar;
- Udhëzimit të Ministrit të Brendshëm Nr.207, datë 28.10.2022 “Për procedurat e hartimit të listave të zgjedhësve për organet e qeverisjes vendore”;
- Udhëzimit të Ministrit të Punëve të Brendshme Nr.225, datë 11.05.2016 “Për procedurat e pezullimit nga lista e zgjedhësve për shtetasit që vuajnë denimin e parashikuar nga ligji Nr.138/2015 “Për garantimin e personave që zgjidhen, emërohen dhe ushtrojnë funksione publike”;
- Udhëzimit të Ministrit të Brendshëm Nr.370, datë 07.12.2012 “Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile”.
- Udhëzimit të KQZ-së Nr.2, datë 28.12.2012 “Për miratimin e rregullave të veçanta për kushtet e kontratës dhe kryerjen e auditimit nga auditet tekniciene për verifikimin e veprimeve në bazën e të dhënave të Regjistrit Kombëtar të Gjendjes Civile (RKGJC) dhe në sistemin elektronik të verifikimit dhe regjistrimit të zgjedhësve (SEV)”.

Metodologjia e Auditimit

Përgjegjësia e audituesit është që të verifikojë përputhshmërinë e veprimeve të kryera nga DPGJC me rregullat e përcaktuara në “Kodin Zgjedhor”, ligjin për “Gjendjen Civile”, si dhe aktet nënligjore të nxjerra në zbatim të tyre nga KQZ-ja dhe Ministri i Brendshëm, mbi bazën e të dhënave të Regjistrit Kombëtar të Gjendjes Civile, nga fillimi i procesit deri në shpalljen e listave përfundimtare të zgjedhësve.

Listat e zgjedhësve janë dokumente zyrtare të zgjedhësve, që burojnë nga Regjistri Kombëtar i Gjendjes Civile për çdo zonë të qendrës së votimit, të hartuara në përputhje me Kodin Zgjedhor. Auditimi për përbërësit zgjedhorë në kuptimin që ka dhënë Kodi Zgjedhor në nenin 45 nënkupton auditimin për përbërësit e gjendjes civile si më poshtë:

a) emri;

Raporti i Auditit teknikien për ekstraktin e parë dhe të dytë

- b) atësia;
- c) amësia;
- d) mbiemri;
- e) datëlindja;
- f) numri personal i identifikimit;
- g) shtetësia;
- h) kodi i vendbanimit;
- i) gjinia.

Auditimi është kryer mbi parimin e prezumimit të vërtetësisë së të dhënave të vëna në dispozicion nëpërmjet:

1. Informacioni zyrtar publik nga Ekstrakti i Parë i Përbërësve Zgjedhorë (22 nëntor 2022) dhe Ekstrakti i Dytë i Përbërësve Zgjedhorë (19 dhjetor 2022).
2. Gjithashtu, nga punonjës të DPGJC është mundësuar aksesi me të drejta leximi (View) në RKGJC, me qëllim realizimin e auditit.
3. Për realizimin e kërkesave të këtij auditimi janë kryer verifikime/testime të bazuara në kontrollet mbi ekstraktet përkatës si dhe RKGJC, duke filtruar fushat/rekordet përkatës në bazë të përcaktimeve ligjorë në fuqi.

Verifikimi i dublimeve, që në fazat e para të auditit janë vënë në dispozicion nga punonjësit e DPGJC. Sipas tyre testimi është realizuar mbi bazën e krahasimit dhe të ngjashmërisë së rubrikave të përbërësve zgjedhore sipas aneksit nr.1 të Udhëzimit të Ministrit të Brendshëm Nr.370, datë 07.12.2012 “Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile”.

Opinione

- Janë zbatuar përgjithësisht procedurat në zbatim të udhëzimit të Ministrit të Brendshëm Nr.207, datë 28.10.2022 “Për procedurat e hartimit të listave të zgjedhësve për organet e qeverisjes vendore”, të udhëzimit të Ministrit të Punëve të Brendshme Nr.225, datë 11.05.2016 “Për procedurat e pezullimit nga lista e zgjedhësve për shtetasit që vuajnë

Raporti i Auditit teknikien për ekstraktin e parë dhe të dytë

dënimin e parashikuar nga Ligji Nr.138/2015 “Për garantimin e personave që zgjidhen, emërohen dhe ushtrojnë funksione publike” dhe të Udhëzimit të Ministrit të Brendshëm Nr.370, datë 07.12.2012 “Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile”.

- Janë gjeneruar brenda afateve ligjore në respekt të pikave 5 dhe 7, të nenit 51 të Kodit Zgjedhor, ekstrakti i parë dhe i dytë i përbërësve zgjedhore:
 - ekstrakti i parë i përbërësve zgjedhorë u gjenerua më datë 22 nëntor 2022;
 - ekstrakti i dytë i përbërësve zgjedhorë u gjenerua më datë 19 dhjetor 2022;
- Në zbatim të përcaktimeve të pikës ç), të nenit 48 të Kodit Zgjedhor: është publikuar lista e zgjedhësve online në linkun:

https://e-albania.al/eAlbaniaServices/UseService.aspx?service_code=12416,

i cili mund të gjendet në portalin *e-albania*, në faqen zyrtare të KQZ, si dhe në faqen zyrtare të MB.

Shërbimi elektronik “**Kërkimi i qendrës së votimit (QV)**” i mundëson çdo shtetasi shqiptar të kërkojë adresën e qendrës së votimit në të cilën është caktuar të votojë. *Të dhënat e përdoruesve shfaqen automatikisht nga databaza e Gjendjes Civile, të cilat administrohen nga Drejtoria e Përgjithshme e Gjendjes Civile. Në asnjë rast e-Albania nuk modifikon të dhënat e publikuara.*

Informacioni për listat e zgjedhjeve	Ekstrakti I-rë	Ekstrakti II-të
	22.11.2022	19.12.2022
Numri i përgjithshëm i qendrave të votimit	5,096 qv	5,198 qv
Numri i qendrave të votimit mbi limitin (1000 zgjedhës)	104 qv	22 qv
Numri i qendrave të votimit nën limitin (15 - 300 zgjedhes)	3 qv	3 qv
Numri i qendrave nga 1 deri në 15 zgjedhës	276 qv	30 qv
Lista e shtetasve 100 vjeç të papërfshirë nga lista	3,845	3,827
Lista e shtetasve (dekriminalizimi) të papërfshirë nga lista	754	750
Lista zgjedhesve me numër banimi 000/888/999	5,365	1,367
Numri i zgjedhësve në total të përfshirë në lista	3,545,091	3,633,662

Raporti i Auditit teknikien për ekstraktin e parë dhe të dytë

Të papërfshire në lista (për shkak të qendrave jashtë limitit)	115,514	25,218
Numri total i zgjedhësve	3,660,605	3,658,880
Meshkuj	1,848,733	1,847,803
Femra	1,811,872	1,811,077

- Ka patur një përmirësim nga ekstrakti i parë në ekstraktin e dytë:
 - Numri i përgjithshëm i qendrave të votimit nga 5,096 qv në 5,198 qv;
 - Numri i qendrave të votimit mbi limit (1000 zgjedhës) nga 104 qv në 22 qv;
 - Numri i qendrave të votimit nën limit (15 - 300 zgjedhës) nuk ka ndryshuar;
 - Numri i qendrave të votimit me 1 deri në 15 zgjedhës nga 276 qv në 30 qv;
 - Lista e shtetasve 100 vjeç të pa përfshirë nga lista nga 3,845 në 3,827;
 - Lista e shtetasve (dekriminalizimi) të papërfshirë në lista nga 754 në 750;
 - Lista zgjedhësve me numër banimi 000/888/999 nga 5,365 në 1,367;
 - Numri i zgjedhësve në total të përfshirë në lista nga 3,545,091 në 3,633,662;
 - Numri i zgjedhësve të papërfshirë në lista (qv jashtë limitit) nga 115,514 në 25,218.

Rekomandime

Bazuar në auditimin e kryer për ekstraktin e parë dhe të dytë të përbërësve zgjedhorë rekomandoj që:

1. Në mënyrë që mos të këtë më qendra votimi me numër zgjedhësish jashtë kriterëve ligjore sugjeroj që të kryhen ndryshime në sistemin informatik qendror të DPGJC në mënyrë që punonjësit e zyrave të gjendjes civile të mos mundën që një zgjedhësi t'i vendosin një numër QV-je e cila është:

- Jashtë përcaktimeve ligjore
- Nuk është aktive (pa votues)
- Ka numër të ndryshëm nga udhëzimet në fuqi për përcaktimin e numrit të QV-së për rastet specifike (psh.8899 ose 7788),

Gjithashtu rekomandohet që po në sistem të kryhen ndryshime për të detyruar që:

Raporti i Auditit teknikien për ekstraktin e parë dhe të dytë

- Nëse ndryshon një nga fushat “adresa” apo “FamilyID”, do të duhet të konfirmohet edhe numri i QV-së.

2. Duhet të vazhdojë dhe të intensifikohet bashkëpunimi me zyrat e Gjendjes Civile dhe njërive të qeverisjes vendore në favor të procesit të verifikimit dhe më pas pastrimit të numrit potencial të dublimeve nga lista e rekordeve të dyshuar si të dubluar.

3. Të vijojë puna për verifikimin dhe zbatimin e procedurës së pezullimit nga lista e zgjedhësve për shtetasit e mbetur, që vuajnë dënimin e parashikuar nga Ligji Nr.138/2015 “Për garantimin e personave që zgjidhen, emërohen dhe ushtrojnë funksione publike”.

4. Për reflektimin dhe përmirësimin e numrit të shtetasve të pezulluar nga lista e zgjedhësve për arsye të zbatimit të udhëzimit të Ministrit të Punëve të Brendshme Nr.225, datë 11.05.2016 “Për procedurat e pezullimit nga lista e zgjedhësve për shtetasit që vuajnë dënimin e parashikuar nga Ligji Nr.138/2015 “Për garantimin e personave që zgjidhen, emërohen dhe ushtrojnë funksione publike”, do të duhet një bashkëpunim dhe koordinim më i mirë midis Drejtorisë së Përgjithshme të Gjendjes Civile me Drejtorinë e Përgjithshme të Burgjeve.

Statistika

Në bazë të ekstraktit të parë dhe të dytë të përbërësve zgjedhorë të gjeneruara përkatësisht në datat 22 nëntor 2022 dhe 19 dhjetor 2022 kemi të dhënat si më poshtë vijon:

1. Numri i përgjithshëm i zgjedhësve në lista

Është bërë kontrolli duke gjeneruar nga RKGJC listën për të gjithë ata shtetas të cilët janë zgjedhës sipas përcaktimeve të Kodit Zgjedhor të Republikës së Shqipërisë, Ligji Nr.10 019, datë 29.12.2008 “Kodi Zgjedhor i Republikës së Shqipërisë”, i ndryshuar.

- Në ekstraktin e datës 22 nëntor 2022 rezultuan gjithsej 3,660,605 zgjedhës, nga të cilët rezultuan 1,848,733 zgjedhës meshkuj dhe 1,811,872 zgjedhës femra.

Raporti i Auditit teknikien për ekstraktin e parë dhe të dytë

- Në ekstraktin e datës 19 dhjetor 2022 rezultuan gjithsej 3,658,880 zgjedhës, nga të cilët rezultuan 1,847,803 zgjedhës meshkuj dhe 1,811,077 zgjedhës femra.

Nga krahasimi i ekstraktit të dytë me ekstraktin e parë vihet re një diferencë (ulje e numrit) prej **1,725** e numrit total të zgjedhësve, e cila vjen si pasojë e reflektimit të numrit të vdekjeve gjatë periudhës midis ekstraktit të dytë dhe të parë, nga reflektimet e prapambetura që janë në vazhdim, si dhe nga verifikimi i dublimeve.

Ju bëjmë me dije se në asnjë nga ekstraktet zgjedhore të gjeneruara deri më tani nuk është shkelur asnjë nga pikat e nenit 51 të Kodit Zgjedhor. Në të gjitha zyrat e gjendjes civile janë printuar listat e zgjedhësve të ekstrakteve zgjedhore në përputhje me nenin 51, të Kodit Zgjedhor. Gjithashtu, për arsye të praktikave dhe procedurave të brendshme të ZGJC-ve, janë gjeneruar statistikat të QV-ve që janë mbi dhe nën limit si dhe më të dhënat e zgjedhësve në këto QV, me qëllim informimin e kryetarëve të bashkive, për të vijuar me nxjerrjen e vendimeve për ndarje/bashkim të qendrave të votimit.

Drejtoria e Përgjithshme e Gjendjes Civile ka patur një bashkëpunim të vazhdueshëm me zyrat e Gjendjes Civile dhe njësitë të qeverisjes vendore në favor të procesit të verifikimit dhe më pas pastrimit të numrit potencial të dublimeve nga lista e rekordeve të dyshuar si të dubluar.

2. Numri i qendrave të votimit (QV)

Nga kontrolli dhe verifikimi i ekstraktit të parë dhe të dytë, përkatësisht të datës 22 nëntor 2022 dhe 19 dhjetor 2022, rezulton se:

- Numri i përgjithshëm i qendrave të votimit me numër zgjedhësish brenda përcaktimeve ligjore në ekstraktin e parë të datës 22 nëntor 2022 është : 5,096 qendra votimi dhe
- Numri i përgjithshëm i qendrave të votimit me numër zgjedhësish brenda përcaktimeve ligjore në ekstraktin e dytë të datës 19 dhjetor 2022 është : 5,198 qendra votimi.
- Numri i qendrave të votimit me numër zgjedhësish mbi 1,000 në ekstraktin e parë të datës 22 nëntor 2022 është: 104 qv dhe

Raporti i Auditit teknikien për ekstraktin e parë dhe të dytë

- Numri i qendrave të votimit me numër zgjedhësish mbi 1,000 në ekstraktin e dytë të datës 19 dhjetor 2022 është: 22 qv.

Zyrat e Gjendjes Civile duhet të shpërndajnë zgjedhësit në qendra votimi.

- Numri i qendrave të votimit me numër zgjedhësish 15-300 në ekstraktin e parë të datës 22 nëntor 2022 është: 3 qv dhe
- Numri i qendrave të votimit me numër zgjedhësish 15-300 në ekstraktin e dytë të datës 19 dhjetor 2022 është: 3 qv.

Nuk është arritur ulja e numrit të qendrave të votimit me numër zgjedhësish 15-300.

- Numri i qendrave të votimit me numër zgjedhësish nën 15 në ekstraktin e parë të datës 22 nëntor 2022 është : 276 qv dhe
- Numri i qendrave të votimit me numër zgjedhësish nën 15 në ekstraktin e dytë të datës 19 dhjetor 2022 është : 30 qv.

Zyrat e Gjendjes Civile duhet të shpërndajnë zgjedhësit në qendra votimi.

- Numri i zgjedhësve mbi 100 vjeç të përfshirë në lista në ekstraktin e parë të datës 22 nëntor 2022 rezulton: 3,845 zgjedhës dhe
- Numri i zgjedhësve mbi 100 vjeç të përfshirë në lista në ekstraktin e dytë të datës 19 dhjetor 2022 rezulton: 3,827 zgjedhës.

Vihet re një ulje e numrit të këtyre shtetasve me 18 zgjedhës, si pasojë e kërkesave që kanë bërë këta zgjedhës për t'u përfshirë në listat e votimit dhe verifikimeve përkatëse të kryera nga Zyrat e Gjendjes Civile. Nga ana e saj DPGJC ka gjeneruar raporte mujore me të dhënat e personave mbi 100 vjeç të cilat u janë dërguar zyrave përkatëse të Gjendjes Civile me qëllim që në bashkëpunim me njësitë e qeverisjes vendore të kryhet procesi i njoftimit dhe verifikimit të këtyre personave.

Zyrat e Gjendjes Civile kanë realizuar verifikime, bazuar në raportin e DPGJC, por mbetet një numër i konsiderueshëm për shkak të familjarëve emigrant .

- Numri i zgjedhësve me kod vendbanimi të papërcaktuar 000, 888 dhe 999 në ekstraktin e parë të datës 22 nëntor 2022 rezulton: 5,365 zgjedhës dhe

Raporti i Auditit teknikien për ekstraktin e parë dhe të dytë

- Numri i zgjedhësve me kod vendbanimi të papërcaktuar 000, 888 dhe 999 në ekstraktin e dytë të datës 19 dhjetor 2022 rezulton: 1,367 zgjedhës.

Sqaroj se për numrin e zgjedhësve me kod vendbanimi të papërcaktuar, ka patur një bashkëpunim dhe koordinim të mirë midis Drejtorisë së Përgjithshme të Gjendjes Civile dhe Njësive të Qeverisjes Vendore për të mos patur këtë kategori zgjedhësish, duke ulur numrin e zgjedhësve për këtë kategori me 3,998 zgjedhës.

- Numri i zgjedhësve të papërfshirë në lista për shkak të qendrave jashtë limitit në ekstraktin e parë të datës 22 nëntor 2022 rezulton: 115,514 zgjedhës dhe
- Numri i zgjedhësve të papërfshirë në lista për shkak të qendrave jashtë limitit në ekstraktin e dytë të datës 19 dhjetor 2022 rezulton: 25,218 zgjedhës.

Sqaroj se për numrin e zgjedhësve të papërfshirë në lista për shkak të qendrave jashtë limitit, ka patur një bashkëpunim dhe koordinim shumë të mirë midis Drejtorisë së Përgjithshme të Gjendjes Civile dhe Njësive të Qeverisjes Vendore për të mos patur këtë kategori zgjedhësish, duke ulur numrin e zgjedhësve për këtë kategori me 90,296 zgjedhës.

3. Numri i zgjedhësve të papërfshirë nga lista për shkak të dekriminalizimit

Në këtë kategori bëjnë pjesë ata zgjedhës të cilët janë pezulluar nga lista e zgjedhësve për arsye të zbatimit të udhëzimit të Ministrisë të Punëve të Brendshme nNr.225, datë 11.05.2016 “Për procedurat e pezullimit nga lista e zgjedhësve për shtetasit që vuajnë dënimin e parashikuar nga Ligji Nr.138/2015 “Për garantimin e personave që zgjidhen, emërohen dhe ushtrojnë funksione publike”.

- Nga kontrolli dhe verifikimi rezulton se numri i shtetasve të papërfshirë nga lista (dekriminalizimi) në ekstraktin e parë të datës 22 nëntor 2022 është: 754 zgjedhës dhe
- numri i shtetasve të papërfshirë nga lista (dekriminalizimi) në ekstraktin e dytë të datës 19 dhjetor 2022 është: 750 zgjedhës.

Raporti i Auditit teknikien për ekstraktin e parë dhe të dytë

Për reflektimin dhe përmirësimin e numrit të këtyre shtetasve do të duhet të vijohet me një bashkëpunim dhe koordinim më të mirë midis Drejtorisë së Përgjithshme të Gjendjes Civile me Drejtorinë e Përgjithshme të Burgjeve.

Përfundime

Auditimi për përbërësit zgjedhorë në kuptimin që ka dhënë Kodi Zgjedhor, në nenin 45 nënkupton auditimin për përbërësit e gjendjes civile si më poshtë:

- a) emri;
- b) atësia;
- c) amësia;
- d) mbiemri;
- e) datëlindja;
- f) numri personal i identifikimit;
- g) shtetësia;
- h) kodi i vendbanimit;
- i) gjinia.

- Në ekstraktin e datës 22 nëntor 2022 rezultuan gjithsej 3,660,605 zgjedhës, nga të cilët 1,848,733 zgjedhës meshkuj dhe 1,811,872 zgjedhës femra.
- Në ekstraktin e datës 19 dhjetor 2022 rezultuan gjithsej 3,658,880 zgjedhës, nga të cilët 1,847,803 zgjedhës meshkuj dhe 1,811,077 zgjedhës femra.

Nga krahasimi i ekstraktit të parë dhe të dytë vihet re një diferencë (ulje e numrit) prej **1,725** e numrit total të zgjedhësve, e cila vjen si pasojë e reflektimit të numrit të vdekjeve gjatë periudhës midis dy ekstrakteve, nga reflektimet e prapambetura që janë në vazhdim, si dhe nga verifikimi i dublimeve.

Duhet të vazhdojë dhe të intensifikohet bashkëpunimi me zyrat e Gjendjes Civile dhe njësisve të qeverisjes vendore në favor të procesit të verifikimit dhe më pas pastrimit të numrit potencial të dublimeve nga lista e rekordeve të dyshuar si të dubluar.

Raporti i Auditit teknikien për ekstraktin e parë dhe të dytë

Numri i qendrave të votimit me numër zgjedhësish mbi 1,000 ka ardhur në zbritje, dhe kërkon një bashkëpunim më të madh me Zyrat e Gjendjes Civile.

Numri i qendrave të votimit me numër zgjedhësish 15-300 vijon të mbetet i njëjtë dhe kërkohej një bashkëpunim më i madh me Zyrat e Gjendjes Civile.

Numri i qendrave të votimit me numër zgjedhësish nën 15 ka ardhur në zbritje. Duhet të eliminohen gabimet njerëzore të nëpunësve të ZGJC gjatë përpilimit të dokumentacionit për transferimin e shtetasve nga një zyrë e gjendjes civile në një tjetër, për arsye të ndryshimit të vendbanimit.

Numri i zgjedhësve mbi 100 vjeç të papërfshirë në lista është ulur me 18 zgjedhës, nëpunësit e zyrave të gjendjes civile po punojnë për kryerjen e verifikimeve përkatëse.

Numri i zgjedhësve me kod vendbanimi të papërcaktuar 000, 888 dhe 999 është ulur duke mbetur 1,367 zgjedhës. Kërkohej bashkëpunim dhe koordinim më i mirë midis Drejtorisë së Përgjithshme të Gjendjes Civile dhe Njësive të Qeverisjes Vendore për të mos patur këtë kategori zgjedhësish.

Numri i zgjedhësve të papërfshirë në lista për shkak të qendrave jashtë limitit është ulur, por nëpunësit e zyrave të gjendjes civile duhet të vijojnë me verifikimet, në mënyrë që të mos ketë zgjedhës të papërfshirë në lista për shkak të qendrave jashtë limitit.

Numri i qendrave të votimit me numër zgjedhësish nën 15, është ulur në 30 qendra votimi, nëpunësit e zyrave të gjendjes civile duhet të shpërndajnë zgjedhësit në qendra votimi

Në ekstraktet zgjedhore të gjeneruara deri më tani (ekstrakti i parë dhe i dytë) nuk është shkelur asnjë nga pikat e nenit 51, të Kodit Zgjedhor.

Raporti i Auditit teknikien për ekstraktin e parë dhe të dytë

Në të gjitha zyrat e gjendjes civile janë printuar listat e zgjedhësve të ekstrakteve zgjedhore në përputhje me nenin 51, të Kodit Zgjedhor.

Janë zbatuar përgjithësisht procedurat në zbatim të udhëzimit të Ministrit të Brendshëm nr.207, datë 28.10.2022 “Për procedurat e hartimit të listave të zgjedhësve për organet e qeverisjes vendore”, të udhëzimit të Ministrit të Punëve të Brendshme nr.225, datë 11.05.2016 “Për procedurat e pezullimit nga lista e zgjedhësve për shtetasit që vuajnë dënimin e parashikuar nga ligji nr.138/2015 “Për garantimin e personave që zgjidhen, emërohen dhe ushtrojnë funksione publike” dhe të udhëzimit të Ministrit të Brendshëm nr.370, datë 07.12.2012 “Për procedurat e pastrimit të dublimeve të shtetasve shqiptarë nga regjistrat themeltarë dhe Regjistri Kombëtar i Gjendjes Civile.